

大清會典

禮部



大清會典卷之

禮部

儀制清吏司

相見禮

凡外藩親王見親王之禮。至府第。令從官致辭。王府執事官轉啓。乃延賓。賓下馬。主人降階。迎賓升。入殿中門。賓東面。主人西面。行二跪六叩禮。興。賓西。主人東。各就坐。從官階下北面。東上。二跪六叩。興。由右門入。從賓後坐。執事官獻茶。賓受茶。一叩。主人答飲訖。從官楹前跪一叩。



先退。賓離席一叩。辭。主人答興降階。送賓出。執事官送賓於大門外。外藩郡王見親王。主人出殿迎。不降階。賓升。主人導賓入。賓二跪六叩。主人跪。答禮半。賓辭退。離席跪一叩。主人跪受如初。興導賓出。送於殿外。餘如外藩親王禮。外藩貝勒見親王。賓由殿右門入。主人出坐迎。賓北面行二跪六叩禮。主人立受。即席正坐。賓侍坐。辭退。賓離席跪一叩。餘如外藩郡王禮。外藩貝子。公見親王府屬官引賓入殿。二跪六叩。主人坐受。辭退。賓離席跪一叩。從官趨階下跪一叩。

興隨賓出。餘如外藩貝勒禮。○外藩親王見郡王。主人迎送於大門內。見畢。辭退。賓主各就坐。一叩。餘儀及外藩郡王見郡王。均如內外親王相見禮。外藩貝勒見郡王。如外藩郡王見親王禮。外藩貝子。公見郡王。如外藩貝勒見親王禮。○外藩親王見貝勒。主人迎於大門外。賓入。主人從。賓主各一跪三叩。從官亦一跪三叩。辭退。主人送於大門外。外藩郡王見貝勒。賓主一跪三叩。餘均如外藩親王見郡王禮。外藩貝勒見貝勒。賓主一跪三叩。餘如內外郡王相見禮。外

大清會典
藩貝子。公見貝勒。賓一跪三叩。主人跪拱手受。餘如外藩貝勒見郡王禮。○外藩王貝勒見貝子。賓主一跪一叩。坐。從官一跪一叩。辭退。從官跪叩如初。主人均拱手受。送賓大門外。候乘馬乃退。餘如外藩親王見貝勒禮。外藩貝子。公見貝子。如內外貝勒相見禮。○外藩王貝勒見宗室公。如外藩王貝勒見貝子禮。外藩貝子見宗室公。主人迎送於大門外。餘如外藩郡王見貝勒禮。外藩公見宗室公。如內外貝子相見禮。凡京朝官敵體相見之禮。賓至門。主人迎於大

門內。賓降輿入。主人揖賓入。及階。讓於賓。賓西。主人東升。至聽事。賓主皆北面再拜。興。主人趨。正賓坐。東嚮。賓禮辭。主人固請。卒正坐。左還。賓正。主人坐。西嚮。如賓禮。賓就坐。揖。執事者獻茶。賓受茶。揖。主人均答揖。賓起告辭。揖。主人答揖。賓降階。主人降送。及門。賓揖。主人答揖。賓禮辭。主人固請。送賓於大門外。賓升輿。主人揖送。賓降。一品者。主人趨。正賓坐。賓辭。賓還。正主坐。辭。如之。餘儀同。二品以下。京堂官。至翰詹科道官。見大學士。主人迎於儀門內。送於大門外。不視。

賓升輿。餘儀同。五品至七品官見大學士。賓至大門外降輿入。主人迎於堂階下。賓由東階升。主人導賓入。賓北面拜。主人辭。賓三揖。主人東面答揖。賓趨正主人坐。主人禮辭。固請。卒正坐。左還。告坐。揖。主人答揖。賓西面。主人東北面坐。若旅見。則賓以次西面坐。北上。茶至。賓起受茶。揖。主人答揖。坐飲。啓事畢。辭退。三揖如初。出。主人送於二門外。科道見左都御史。副都御史。各部尚書。如京堂官見大學士儀。翰詹科道見二三品官。如賓降一品禮。見四品官。如同官禮。

凡屬官見長官之禮。初見屬官公服詣署。首領官引自東階升堂。具銜名履歷。呈於各長官坐案。屬官以次各向上三揖。長官咸避席答揖。退。若燕見於私宅。如五品官見大學士儀。

凡國學生見國子師之禮。初見弟子公服詣學。首領官引自東階升堂。北面三揖。侍立於左。西面受教畢。三揖如初。退。若燕見於私宅。入門。通名。俟召。師迎於階上。弟子升階揖。俟師入門。從。北面再拜。師西面答揖。遂趨正。師坐畢。左還。命坐。北面揖。弟子西面。師東北面坐。若旅見。弟子

均西面北上。茶至起受茶。揖坐飲。受教畢辭退。三揖。師均答揖。送至二門。師前行。弟子從。埃師入。三揖乃退。翰林院庶吉士見大學士暨教習庶吉士亦如之。

凡直省文武官敵體相見之禮。賓乘輿至署門。吏稟白啓門。儀衛止門外。賓由中門入。至堂檐下降輿。主人出迎於檐前。揖入。賓退送於初迎處。視賓升輿退。餘與京官同。品相見儀同。○文職屬官見長官之禮。司道初見督撫具銜名履。歷公服詣署。大門外降輿入。自左門。長官迎於

堂後屏內。先行。屬官從至聽事。稟庭參。長官辭三揖。命坐。揖。長官正坐。屬官西面坐。若旅見則東西面均北上。受茶。揖辭出。三揖。每揖。長官均答揖。送至屏門外。屬官北面三揖。長官西面答畢。先入。屬官復三揖。趨出。至大門外升輿退。若燕見常服。通銜名不稟參。餘儀同。知府直隸州知州見督撫行庭參禮。稟拜見免。三揖。長官不迎送。餘與司道同。府倅見督撫。轅門外降輿。餘與知府同。州縣教職直隸州佐貳官見督撫。轅門外降輿入。北面再拜。興三揖。長官拱立於坐。

告辭三揖。長官拱立如之。餘與府倅同。首領佐雜官進見。行一跪三叩禮。不揖。不坐。知府直隸州知州。府倅見司道。司迎送於屏門外。道於堂檐下。坐次屬官西面。長官東北面。餘與見督撫同。州縣教職直隸州佐貳官見司道。長官不出。迎辭退。司送於階下。道送於屏門外。餘與知府同。首領佐雜官見司道。與見督撫同。州縣教職直隸州佐貳官見知府。迎送於屏門外。餘與見司道同。首領佐雜官見知府。與見司道同。州縣教職府見府倅。迎送於堂檐下。餘與見知府同。教職府

首領縣佐貳官見府倅。與州縣見司道同。雜職官見府倅。與見知府同。直隸州屬知縣教職及雜職官見知州。與見知府同。雜職官見州縣。與州縣官見知府同。見直隸州同。州判與見州縣同。○武職屬官見長官之禮。副將初見提督。具銜名履歷披執佩刀。至轅門外下馬。門吏稟白。傳命免披執。易補服。由左門入。至聽事。北面稟庭。叅長官辭三揖。長官西面答揖。長官正坐。屬官西面坐。茶畢。辭退。三揖如初。長官送至檐下。退。若燕見常服。通銜名。餘儀同。叅將遊擊見提

督北面跪三叩興三揖坐辭退揖如初長官起立於位答揖出不送餘與副將同都司守備初見提督披執長官南面坐屬官入北面跪自宣銜名三叩興西面席地跪坐不設茶辭退三叩如初趨出長官不起立若燕見常服不宣銜名餘均與遊擊同千總把總見提督不坐餘與守備同副將見本鎮總兵官長官迎送於堂後屏內坐次長官東北面屬官西面屬官揖長官皆平立答揖餘與見提督同叅將遊擊見總兵官坐次長官正坐屬官西面坐屬官揖長官皆離

坐西面答揖出不送餘與副將同若非本鎮所轄儀與副將見提督同都司以下官見總兵官均與見提督同遊擊見本協副將茶畢辭退長官離坐送餘與見總兵官同都司守備初見副將三叩長官起立於坐告辭不揖不送餘與叅遊同燕見三揖長官答揖餘儀同非本協所轄與叅遊同千總以下官進見與見總兵官同都司守備初見本管叅將遊擊行庭叅禮長官答揖告退長官離坐送餘與見副將同燕見三揖告辭揖如初長官均答揖餘儀同非本管者迎

送於大堂後屏內。餘儀同。千總以下官見。參遊與見副將同。千總初見都司守備。與守備見。參遊同。燕見一揖。告辭不揖。餘儀同。把總初見都司守備。三叩。長官答揖。告辭起立不送。餘與千總同。○文武官相見之禮。提督見總督。三揖。總督正坐。提督隅坐。若提督帶一品世爵者。總督西面。提督東面。餘與敵體相見同。總兵官見總督。與司道同。副將見總督。初見披執。燕見常服。佩刀。均北面跪。三叩。興。西面立。茶畢。北面三揖。退。見巡撫。與知府同。參將以下見督撫。均侍立。

不坐。餘與守備見提督同。千把總見司道。儀如之。司道見提督。與提督見總督同。知府同。知通判。見提督總兵。與司道見提督同。州縣見提督。具銜名。由左門入。提督迎於階下。至聽事。三揖就坐。提督正坐。州縣西面坐。茶畢辭出。三揖如初。提督送至堂後屏門外。揖退。見總兵官。儀同。八九品以下佐雜官。見提督總兵官。與見督撫同。餘官相見。均如敵體儀。○河道漕運各總督。與直省官相見之禮。與督撫同。學政與督撫相見。用敵體儀。司道見學政。具銜名。儀門外降輿。

學政迎送於堂檐下。餘與敵體儀同。知府直隸州。府同知。通判。見學政。不稟。叅。送至堂後屏門外。餘與見督撫同。州。縣。見學政。初見。庭。叅。常見三揖。學政均避席答揖。送至堂後屏門內。餘與見督撫同。教職見學政。初見。再拜。常見三揖。學政均起立拱手。餘與州縣同。首領。佐。雜。官。見學政。與見督撫同。若學政官三品以上者。司道以下官進見。均與督撫同。鹽政。及

欽差官與各官相見。均與學政同。運使。鹽道。見鹽政。與司道見督撫同。運同。運判。見鹽政。與知府見

督撫同。科目出身。鹽大使。見鹽政。與知縣見督撫同。○滿漢官相見之禮。自司道以下官。見將軍。與見總督同。見副都統。與見總兵官同。協領。叅領。見督撫。與司道同。佐領。防禦。見督撫。與知府同。驍騎校以下官。見督撫。與州縣同。餘官相見。均如敵體儀。○直省學校生員見師長之禮。學政蒞任後。講學於明倫堂。教職引本學生員謁見。均公服。重行北面再拜。學政拱立於位。歲科試畢。生員列一二等者。均公服。詣試院。升堂三揖。閱卷畢。三揖退。餘儀如之。見本學學師。與

國學生見國子師同

凡順天府屬官見長官之禮治中通判見府尹

與直省司道見督撫同見府丞與直省司道見

學政同所屬州縣教職見府尹與直省州縣教

職見督撫同見府丞與見司道同見治中通判

與見府倅同經歷以下官見尹丞治中通判與

直省首領官見知府府倅同奉天府屬知府見

府尹如直省知府見督撫見府丞如直省知府

見學政餘均與順天府同府州縣見

盛京五部侍郎與見府尹同

凡士相見之禮賓造門主人出迎於大門外揖

賓賓入及門及階皆揖如初賓西主人東升賓

再拜主人答再拜興主人趨正賓坐賓辭固請

卒正坐左還賓正主人坐亦如之賓受茶揖辭

退揖主人送賓及階及門賓揖辭主人均答揖

遂送賓於大門外揖如初迎儀

凡弟子見受業師師東嚮坐弟子北面侍坐不

迎送餘如國學生見國子師之禮

凡見有服尊親父之執友之禮入門通名命見

升階北面再拜尊者西面答揖命坐揖視尊者

坐所嚮。旁侍坐。茶至。揖。辭退。三揖。尊者均答揖。出。不送。若尊長來見。迎送於大門外。餘如前儀。



